



TRANSKULTURNA PSIHOSOCIJALNA
OBRAZOVNA FONDACIJA - TPO

POLITIKA ZAŠTITE DJECE I MLADIH

Januar 2020.

Uvod

TPO Fondacija u svom radu sa djecom i mladima se obavezuje da će poštovati temeljne vrijednosti i principe ljudskih prava i prava djece i da će poduzeti sve zakonske i druge mjere radi zaštite integriteta i digniteta djece i mladih s kojima radi i saraduje u okviru svojih redovnih djelatnosti.

TPO Fondacija se također obavezuje da će slijediti protokole i pravila ministarstava obrazovanja u kantonima s kojima ima potpisane sporazume o saradnji (Kantonom Sarajevo, Kantonom Tuzla, Hercegovačko-neretvanskim kantonom, Zeničko-dobojskim kantonom i Srednjobosanskim kantonom).

1. Temeljne vrijednosti i principi u radu sa djecom i mladima

TPO Fondacija se obavezuje da će uvijek voditi računa o sljedećem:

- Da se zdravlje, sigurnost, dobrobit djece i interesi djece i mladih stavljaju na prvo mjesto
- Da se njihov razvoj unaprijeđuje i čuva, kako bi dosegli svoj puni kapacitet
- Da se djeca i mladi cijene, poštuju i razumiju u okviru njihove vlastite kulture, religije i etničke pripadnosti, i da se njihove potrebe utvrde i zadovolje kada je god to moguće
- Da se pažljivo saslušaju potrebe mladih i djece i da se njihovi svjetonazori i razmišljanja uzmu u obzir, da se ohrabre i da im se pomogne da učestvuju u donošenju odluka koje ih se tiču
- Da će spriječiti zloupotrebu djece u bilo kojim okolnostima
- Da će zaštititi djecu sa kojom i za koju radi
- Da će zahtijevati od partnerskih organizacija da zadovolje standarde zaštite djece u svojim programima poštujući Konvenciju o pravima djeteta i domaće zakonodavstvo
- Da će pratiti pozitivni zakonski propisi i mjere koje budu usklađivane sa međunarodno-pravnim normama i standardima

U cilju ostvarenja ovih vrijednosti tim TPO Fondacija ali i partnerske organizacije će u kontaktu sa djecom voditi računa o sljedećem:

- da se prema djeci uvijek odnose s poštovanjem i da ih priznaju kao pojedinke s vlastitim pravima i odgovornostima,
- da se u svom radu s djecom i mladima rukovode duhom saradnje i partnerstva zasnovanom na uzajamnom povjerenju i poštovanju;

- da uvažavaju stavove i mišljenja djece i mladih i da im pristupaju ozbiljno i s uvažavanjem;
- da u radu s njima jačaju njihove kapacitete i sposobnosti i razvijaju njihove potencijale;
- da sve što čine bude u najboljem interesu djece i mladih
- da obavezno uključe u partnerstvo i roditelje i staratelje ali i eksperte kako bi se osigurala zaštita djece.

2. Pravila ponašanja

Svaki upolenik/ca i saradnik/ca koji rade sa djecom i mladima, važno je da vode računa o sljedećem:

- Da prepoznaju situacije koje mogu predstavljati rizik i da se u takvim situacijama ponašaju u skladu sa vrijednosti i principima iz člana I.
- Planiraju i organiziraju aktivnosti na mjestima na kojima će rizik biti sveden na minimum
- Da vode računa da ne budu nasamo s djecom i mladima bez prisustva roditelja, staratelja, nastavnika ili nekog drugog zaduženog za njih
- Da omoguće da se o bilo kojem problemu ili razlozima za zabrinutost otvoreno razgovara
- Da problematične prakse i prakse koje mogu dovesti do problema javno osude i o njima razgovaraju javno
- Da otvoreno razgovaraju sa djecom i mladima o njihovoj komunikaciji sa osobljem i saradnicima i podstaknu ih se da slobodno izraze svoju zabrinutost;
- Da rade na osnaživanju djecu i mladih tako što će razgovarati s njima o njihovim pravima, i koji su mehanizmi zaštite tih prava
- Da se zajedno sa nastavnicima, pedagogima i roditeljima rade na tome da se prepoznaju djeca u riziku od nasilja i da se pomogne kako djeci koja su potencijalne žrtve nasilja, tako i djeci koja su počinitelji

3. Striktno zabranjene radnje

Tim TPO Fondacije i saradnici/e ne smiju nikada:

- Fizički povrijediti ili fizički zlostavljati djecu i mlade
- Psihički povrijediti i marginalizirati djecu i mlade

- Razvijati zakonski i društveno neprihvatljive fizičkr/seksualne kontakte sa djecom
- Razvijati zakonski i društveno neprihvatljiv takav odnos sa djecom, koji bi se na bilo koji način mogao smatrati iskorištavajući ili zlostavljajući
- Djelovati na način koji može biti zlostavljajući ili dovesti dijete ili mladu osobu u rizik da bude zlostavljano
- Koristiti nepriklade verbalne forme izražavanja, davati prijedloge ili nuditi savjete koji su uvredljivi ili zlostavljajući
- Ponašati ne prikladan ili seksualno provokativan način
- Tražiti da dijete ili mlada osoba bez nadzora provede noć u njihovoj kući ili bez znanja i odobrenja roditelja ili staratelja
- Spavati u istom krevetu ili sobi sa djetetom sa kojim rade, izuzev u slučajevima kada to odobre roditelji ili staratelji
- Opraštati nezakonito, opasno ili nasilničko ponašanje djece ili učestvovati u njemu
- Poniziti, omalovažiti ili degradirati djecu i mlade, ili primijeniti bilo koji oblik emocionalnog zlostavljanja
- Diskriminirati, različito tretirati ili favorizirati određenu djecu, isključujući drugu
- Nesavjesno pristupiti primjeni zakonskih propisa bez savjetovanja sa upravom TPO Fondacije o mogućim posljedicama takvog postupanja.

4. Mjere zaštite

Kako bi osigurali ispunjenje gore navedenih obaveza, poduzećemo sljedeće:

- Tim i saradnici će na vrijeme biti upoznati sa “Politikom zaštite djece i mladih”,
- Osoblje i saradnici će se potpisivanjem ugovora obavezati na poštovanje “Pravila ponašanja”, koja čine aneks ugovora o radu,
- Svi partneri će potpisivanjem ugovora o partnerstvu preuzeti i obavezu poštovanja “Pravila ponašanja”, koja čine aneks ugovora o saradnji
- Procedura zapošljavanja uključit će provjeru prikladnosti za rad sa djecom i mladim ljudima
- Na svakom radnom mjestu će biti izloženi podaci o kontakt osobi zaduženoj za prijavljivanje mogućeg zlostavljanja djeteta, a svaki član osoblja će imati kontakt detalje za prijavljivanje
- Na internet stranici TPO Fondacije je kreiran poseban prozor za prijavu neregularnosti i nepoštivanja „Politika zaštite djece i mladih“ gdje se formular

može popuniti anonimno ili javno i dostaviti na e-mail kontakt osobi TPO Fondacije zaduženoj za provedbu prijave ili poštom na adresu

- Raditi ćemo u partnerstvu sa roditeljima/starateljima, školskim menadžmentom, policijom i centrima za socijalni rad kako bi se osigurala zaštita djece kroz preventivne radnje podizanja svijesti o pravima i zaštiti djece, i kako bi se adekvatno i na vrijeme riješili slučajevi nasilja
- Upoznavati radnike, saradnike ali i djecu mlade sa međunarodnih i domaćim pravnim okvirom za zaštitu prava djece i mladih
- Poduzimati sve zakonske mjere prevencije i zaštite djece i mladih
- Koristiti postojeće mehanizme (protokole i stručne službe) koji postoje u školama kao bi se na vrijeme prevenirale neželjene radnje i kako bi se sanirale eventualne posljedice.

5. Odbor i monitoring

TPO Fondacija je sačinila Odbor zadužen za monitoring provedbe politika zaštite djece i mladih. Odbor čini četiri osobe, dvije osobe su predstavnici kantonalnih ministarstava obrazovanja i dvije osobe su zaposlene u TPO Fondaciji, imenovane od strane direktora Fondacije.

U okviru redovnog monitoringa sprovedbe projektnih aktivnosti, posebna evaluacija je kreirana za ocjenjivanje implementacije politika o zaštiti djece i mladih u toku realizacije projektnih aktivnosti. Evaluacije su obrađene i analizirane, i sastavni su dio finalnog narativnog izvještaja o projektim aktivnostima.

Svake dvije godine, Odbor je zadužen da dokument „Politike zaštite djece i mladih“ revidira i ažurira u skladu sa potrebama.

Sarajevo, 12.02.2020.

**PROGRAM
DIREKTORICA
Zilka Spahić Šiljak**